

唐  
音  
統  
籤

丙籤二十七岑參之八

唐音統籤卷

一百三十

七言律詩

西掖省卽事

西掖重雲開曙暉  
北山疎雨點朝衣  
千門柳色連青瑣  
三殿花香入紫微  
平明端笏陪鵷列  
薄暮垂鞭信馬歸  
官拙自悲頭白盡  
不如巖下掩<sub>一作</sub>荆扉

首春渭西郊行呈藍田張二主簿

迴風度雨渭城西  
細草新花踏作泥  
秦女峯頭雪未盡  
胡公陂上日初低  
愁窺白髮羞微祿  
悔別青

山憶舊谿聞道欄川多勝事玉壺春酒正堪攜

赴嘉州過城固縣尋永安超禪師房

滿寺枇杷冬著花老僧相見具袈裟漢王城北雪  
初霽韓信臺西日欲斜門外不須催五馬林中且  
聽演三車豈料巴川多勝事爲君書此報京華

秋夕讀書幽興獻兵部李侍郎

年紀蹉跎四十強自憐頭白始爲郎雨滋苔蘚侵  
堦綠秋颯梧桐覆井黃驚蟬也解求高樹旅鴈還  
應厭後行覽卷試穿鄰舍壁明燈何惜借餘光

奉和中書舍人賈至早朝大明宮

雞鳴紫陌曙光寒鶯囀皇州春色

一作欲

闌金闕曉

鐘開萬戶玉階僊仗擁千宮花迎劔珮星初落柳

拂旌旗露未乾獨有鳳凰池上客陽春一曲和皆

難

田子執曰諸公倡和此篇爲  
妥惜寒闌乾難四韻不佳耳

### 和祠部王員外雪後早朝卽事

長安雪後似春歸積素凝華連曙暉色借玉珂迷  
曉騎光添銀燭見朝衣西山落月臨天仗北闕晴  
雲捧禁闈閑道僊郎歌白雪由來此曲和人稀

### 奉和杜相公發益昌

相國臨戎別

一作發

帝京擁旄

一作摩

持節遠橫行朝

登劒閣雲隨馬夜渡巴江雨洗兵山花萬朶迎征  
蓋川柳千條拂去旌暫到蜀城應計日須知明主  
待持衡

使君席夜送嚴河南赴長水

得時字

嬌歌急管雜青絲銀燭金杯映翠眉使君地主能  
相送河尹天明坐莫辭春城月出人皆醉野戍花  
深馬去遲寄聲報爾山翁道今日河南勝昔時

九日使君席奉餞衛中丞赴長水

節使橫行西出師鳴弓擐甲羽林兒臺上霜風凌  
草木軍中殺氣飭旌旗須一作預知漢將宣威日正

是胡塵欲滅時爲報使君多泛菊更將弦管醉東籬

暮春虢州東亭送李司馬歸扶風別廬

柳彈鶯嬌花復殷紅亭綠酒送君還到來函谷愁  
中月歸去磻谿夢裏山

王元美云二句非不佳致隱隱逗漏錢劉出來

前春色應須惜世上浮名好是閑西望鄉關腸欲斷對君衫袖淚痕斑

五言絕句

滅胡曲

都護新滅胡士馬氣亦麤蕭條虜塵淨突兀天山

孤

秋思

那知芳歲晚坐見寒葉墮  
吾不如腐草翻飛作螢火

歎白髮

白髮生偏

一作太

速教人不奈何今朝兩鬢上更較

數莖多

戲題關門

來亦一布衣去亦一布衣  
羞見關城吏還從舊路歸

日沒賀延磧作

沙上見日出沙上見日沒  
悔向萬里來功名是何物

行軍九日思長安故園

時未收長安

強欲登高去無人送酒來  
遙憐故園菊應傷戰場開

西過渭州見渭水思秦川

渭水東流去何時到雍州  
憑添兩行淚寄向故園流

經隴頭分水



隴水何年有潺潺  
逼路傷東西  
流不歇會斷幾人腸

失題

帝鄉北近日瀘口南  
連蠻何當遇  
長房縮地到京關

題梁鎰城中高居

高一作居住最高處  
千家恒眼前  
題詩飲酒後只對

諸峯眠

題井陘雙谿李道士所居

五粒松花酒  
雙谿道士家  
唯求縮却地  
鄉路莫教

賒

題雲際南峯眼上人讀經堂

眼公不下此堂十五年矣

結字題

一作室開

三藏焚香老一峯雲間



作一

只

是對山松

題三會寺蒼頡造字臺

野寺荒臺晚寒天古木悲空堦有鳥跡猶似造書時

尚書念舊垂賜袍衣率題絕句獻上以申感謝

富貴情還在相逢豈間然綈袍更有贈猶荷故人

憐

寄韓樽

夫子素多疾別來未得書北庭苦寒地體內今何如

憶長安曲二章寄龐灌

東望望長安正值日初出長安不可見喜一作見

長安日

長安何處在只在馬蹄下明日歸長安爲君急走

馬

醉裏送裴子赴鎮西

醉後未能別待醒方君看君君走馬去直上天山雲

題平陽郡汾橋邊柳樹

參會居此郡八九年

此地曾居住今來宛似歸可憐汾上柳相見也依依

七言絕句

胡歌

黑姓蕃王貂鼠裘葡萄宮錦醉纏頭關西老將能苦戰七十行兵仍未休

趙將軍歌

九月天山風似刀城南獵馬縮寒毛將軍縱博場  
場勝賭得單于貂鼠袍

獻封大夫破播仙凱歌六首

張震注封大夫封常清也天寶

六載以高仙芝爲安西四鎮節度使仙芝署常清爲判官大破吐蕃勃律王及二十餘國此詩其破勃律時作歟

漢將承恩西破戎捷書先奏未央宮天子預開麟閣待祗今誰數貳師功

官軍西出過樓蘭營幕傍臨月窟寒蒲海曉霜凝  
馬尾蔥山夜雪撲旌竿

鳴笳疊鼓擁回軍破國平蕃昔未聞大

一作夫鵠

印搖一作迎邊月天一作大將龍旗掣海雲

日落轅門鼓角鳴千羣面縛出蕃城洗兵魚海雲  
迎陣秣馬龍堆月照營

蕃軍遙見漢家營滿谷連山遍哭聲萬箭千刀一  
夜殺平明流血浸空城

暮雨旌旗濕未乾胡煙一作塵白草日光寒昨夜將

軍連曉戰蕃軍只見馬空鞍

山房春事二首

風恬日煖蕩春光戲蝶遊蜂亂入房數枝門柳低  
衣桁一片山花落筆牀

梁園日暮亂飛鴉極目蕭條三兩家庭樹不知人  
去盡春來還發舊時花

春夢

洞房昨夜春風起遙憶美人湘江水枕上片時春  
夢中行盡江南數千里

冬夕

浩汗霜風刮天地溫泉火井無生意澤國龍蛇凍  
不伸南山瘦柏消殘翠

春興戲題贈李侯

黃雀始欲銜花來君家種桃花未開長安二月眼

看盡寄報春風早爲催

題觀樓

荒樓荒井閉空山  
關令乘雲去不還  
羽蓋霓旌何處在  
空留藥臼向人間

過磧

黃沙磧裏客行迷  
四望雲天直下低  
爲言地盡天還盡  
行到西更向西

磧中作

走馬西來欲到天  
辭家見月兩回圓  
今夜不知何處宿  
平沙萬里絕人煙



逢入京使

故園東望路漫漫雙袖龍鍾淚不乾馬上相逢無  
紙筆憑君傳語報平安

劉云也是常語其意自好

赴北庭度隴思家

西向輪臺萬里餘也知鄉信日應疎隴山鸚鵡能  
言語爲報家人數寄書

酒泉太守席上醉後作

酒泉太守能劒舞高堂置酒夜擊鼓胡笳一曲斷  
人腸座上相看淚如雨

草堂村尋羅生不遇

數株谿柳色依依深巷斜陽暮鳥飛門前雪滿無人迹應是先生出未歸

玉關寄長安李主簿

東去長安萬里餘故人何惜一行書玉關西望堪腸斷况復明朝是歲除

過燕支寄杜位

燕支山西酒泉道北風吹沙卷白草長安遙在日光邊憶君不見令人老

題苜蓿烽寄家人

苜蓿烽邊逢立春胡蘆河上淚沾巾閨中只是空

相憶不見沙場愁殺人

原頭送范侍御

得山字

百尺原頭酒色殷  
路傍驄馬汗斑斑  
別君祗有相思夢  
遮莫千山與萬山

奉送賈侍御使江外

新騎驄馬復承恩  
使出金陵過海門  
荆南渭北難相見  
莫惜衫襟著酒痕

號州西山亭子送范端公

得濃字

百尺紅亭對萬峯  
平明相送到齋鐘  
驄馬勸君皆卸却  
使君家醞舊來濃

號州後亭送李判官使赴晉絳

得秋字

西原驛路挂城頭客散紅亭雨未收  
君去試看汾水上白雲猶似漢時秋

武威送劉判官赴磧西行軍

火山五月行人少看君馬去疾如鳥  
都護行營太白西角聲一動胡天曉

崔倉曹席上送殷寅充石相判官赴淮南

青淮無底淥江深宿處津亭楓樹林  
駟馬欲辭丞

相府一樽

一作杯

須盡故人心

送李明府赴睦州便拜覲太夫人

手把銅章望海雲夫人江上泣羅裙嚴灘一點舟  
中月萬里煙波也夢君

五月四日送王少府歸華陰

得留字

仙掌分明引馬頭西看一點是關樓五月也須應  
到舍知君不肯更淹留

送崔子還京

匹馬西從天外歸揚鞭只共鳥爭飛送君九月交  
河北雪裏題詩淚滿衣

戲問花門酒家翁

老人七十仍沽酒千壺百甕花門口道傍榆莢青

似錢摘來沽酒君肯否

醉戲寶子美人

朱唇一點桃花殷宿妝嬌羞偏髻鬟細看只似陽  
臺女醉着莫許歸巫山

秋夜聞笛

天門街西聞搗帛一夜愁殺湘江

一作江

南客長安城

中百萬家不知何人夜吹笛

包

初程莫早發且宿灞橋頭

陸務觀嘗稱參此語意至工今集中不見有之

丙籤二十八

唐音統籤卷十一百三

李頎東川人家於潁陽權開元二十三年進士第

官新鄉尉終集一卷

唐宋志同

今編為三卷

殷璠云頎詩發調既

新修辭亦秀雜歌咸善玄理最長至如送暨道士  
云大道本無我青春長與君又聽彈胡琴聲云幽  
音變調忽飄灑長風吹林雨墮瓦迸泉颯颯飛木  
末野鹿呦呦走堂下足可歎歎震蕩心神惜其偉  
才只到黃綬故論其數家往往高於衆作徐戲  
忠曰頎詩主渾成情思清澹時有條然遠意王元  
于鱗曰唐七言律體王維李頎頗臻其妙王元  
美曰盛唐七言律老杜外王維李頎岑參耳李益  
風雅之致然調不甚醇胡元瑞曰李律流漸廣  
月極雄渾而不笨花宮仙梵至工密而不纖遠公  
遁跡之幽朝聞遊子之婉皆可獨步  
下載但制作不多不足以盡其變

五言古詩

湘夫人

九嶷日已暮三湘雲復愁  
官鶻羅袂色潺湲江水  
流佳期來北渚捐佩在芳洲

塞下曲

黃雲鴈門郡日暮風沙裏  
千騎黑貂裘皆稱羽林  
子金笳吹朔雪鐵馬嘶寒水  
帳下飲葡萄平生寸  
心是

漁父歌

白首何老人簑笠蔽其身  
避世長不仕釣魚清江  
濱浦沙明濯足山月靜  
垂綸寓宿湍與瀨行歌秋



復春持竿湘岸竹  
焚火蘆洲薪綠水  
飯香稻青荷  
苞紫鱗於中還自樂  
所欲全吾真而笑獨醒者臨  
流多苦辛

不調歸東川別業

寸祿言可取託身將見遺  
慙無匹夫志悔與名山  
辭紱冕謝知己林園多後時  
葛巾方濯足蔬食但  
垂帷卜室對河岸漁樵祇在茲  
青郊香杜若白水  
映茅茨晝景微雲樹夕陰澄  
古遠清花獨開晚田  
鶴靜飛遲且復樂生事前賢爲我歸  
清歌聊鼓楫  
永日望佳期

晚歸東園

出郭喜見山東行亦未遠夕陽帶歸路一作鳥 霽霽

秋稼晚樵者乘霽歸野夫一作人 及星飯請謝朱輪

客垂竿不復返

九月九日劉十八東堂集

風俗尚九日此情安可忘菊花辟惡酒湯餅茱萸  
香雲入授衣假風吹閑字涼主人盡歡意林景盡  
微茫清切晚砧動東西歸鳥行淹留悵爲別日醉  
秋雲光

龍門西峯曉望劉十八不至

春臺臨永路歧足望行子片片雲觸峯離離鳥渡

水叢林遠山上霽色

一作景

雜花裏不見攜手人下

山采綠芷

### 宋少府東谿泛舟

登岸還入舟水禽驚笑語晚景低衆色濕雲帶殘  
暑落日乘醉歸谿流復幾許

與諸公遊濟瀆泛舟

濟瀆在新鄉縣西境作射時也

濟水出王屋其源來不窮狀泉數眼沸平地流清  
通皇帝崇祀典詔書視三公分官禱靈廟莫壁沈  
河宮神應每如答松篁氣蔥蘢蒼螭送飛雨赤鯉

噴迴風灑酒布瑤席吹簫下玉童玄冥掌陰事祝  
史告年豐百谷趨潭底三光懸鏡中淺深露沙石  
蘋藻生虛空晚景臨汎美亭臯輕靄紅晴山傍舟  
楫白鷺驚絲桐我本家潁北開一作門見維嵩焉  
知松峯外又有天壇東左手正接羅浩歌眄青穹  
夷猶傲清吏偃仰狎漁翁對此川上閑非君誰與  
同霜凝遠村渚月淨蘼葭叢茲境信難遇爲歡殊  
未終淹留悵言別煙嶼夕微濛

題蔡母校書所居

常稱挂冠吏昨日歸滄洲行客暮帆遠主人庭樹

秋豈伊問天命但欲爲山遊萬物我何有白雲空  
自幽蕭條江海上日夕見丹丘生事非漁釣賞心  
隨去留惜哉曠微月欲濟無輕舟倏忽令人老相  
思河水流

裴尹東谿別業

公才廊廟器官亞河南守別墅臨都門鶩湍激前  
後舊交與羣從十日一攜手幅巾望寒山長嘯對  
高柳清歡信可尚散吏亦何有岸雪青城陰水光  
遠林首閑觀野人筏或飲川上酒幽雲澹徘徊白  
鷺飛左右庭竹垂卧內村煙隔南阜始知物外情

韓紱同芻狗

登首陽山謁夷齊廟

古人已不見喬木竟誰過寂寞首陽山白雲空復  
多蒼苔歸地骨皓首采薇歌畢命無怨色成仁其  
若何我來入遺廟時候微清和落日吊山鬼回風  
吹女蘿石門正一作崖向西谿引領望黃河千里一飛  
鳥孤光東逝波驅車層城路惆悵此巖阿

題神力師院

大師神傑貌五嶽森禪房堅持日月珠谿見滄江  
長隨病拔諸苦致身如法王階庭藥草徧飯食天

花香樹色向高閣  
晝陰橫半牆  
每聞第一義  
心淨琉璃光

無盡上人東林禪居

草堂每多暇  
時謁山僧門  
所對但羣木  
終朝無一言  
我心愛流水  
此地臨清源  
舍吐山上日  
蔽虧松外村  
孤峯隔身世  
百衲老寒暄  
禪戶積朝雪  
花龕來暮猿  
顧余守耕稼  
十載隴田園  
蘿篠慰春汲  
巖潭恣討論  
洩雲豈知限  
至道真揀元  
且願啓關鎖  
於焉微尚存

題盧道士房

秋砧響落水共坐夢君家惟見兩童子林前汲井  
華空壇靜白晝神鼎飛丹砂麈尾拂霜草金鈴搖  
霽霞上章人世隔看奕桐陰斜稽首問仙要黃精  
堪餌花

光上座廊下衆山五韻

名嶽在廡下吾師居一牀每聞楞伽經只對清翠  
光百谷聚雪色莓苔侵屋梁氣盤古壁轉勢引幽  
堦長願遊薜蘿下日見金爐香

謁張果先生

先生谷神者甲子焉能計自說軒轅師于今幾千



歲寓遊城郭裏浪跡希夷際應物雲無心逢時舟  
不繫餐霞斷火粒野服兼荷製白雪淨肌膚青松  
養身世韜精殊豹隱鍊質同蟬蛻忽去不知誰偶  
來寧有契二儀齊壽考六合同休覬彭聃猶嬰孩  
松期且微細嘗聞穆天子更憶漢皇帝親屈萬乘  
尊將窮四海裔車徒徧草木錦帛招談說八駿空  
往還三山轉虧蔽吾君感至德玄老欣來詣受籙  
金殿開清齋玉堂閉笙歌迎拜首羽帳崇嚴衛藥  
柳垂香爐宮花拂仙袂祈年寶祚廣致福蒼生惠  
何必待龍髯鼎成方取濟

贈蘇明府

本集無見  
文苑英華

蘇君年幾許狀貌如玉童采藥傷梁宋共言隨日  
翁常辭小縣宰一往東山東不復有家室悠悠人  
世中子孫皆老死相識悲轉蓬髮白還更黑身輕  
行若風汎然無所繫心與孤雲同出入雖一杖一作  
枝安然知始終願聞素女事去采山花叢誘我爲  
弟子逍遙尋葛洪

贈張旭

張公性嗜酒豁達無所營皓首窮草隸時稱太湖  
精露頂據胡牀長叫三五聲興來灑素壁揮筆如

流星下舍風蕭條寒草滿戶庭問家何所有生事  
猶一作如浮萍左手持蟹螯右手執丹經瞪目視霄  
漢不知醉與醒諸賓且方坐旭日臨東城荷葉裹  
江魚白甌貯香杭微祿心不屑放神於八紘時人  
不識者卽是安期生

望鳴臯山白雲寄洛陽盧主簿

飲馬伊水中白雲鳴臯上氛氲山絕頂行子時二  
望照口龍虎姿攢空冰雪狀巖嵒殊未已蛟螭忽  
相向皎皎橫綠林霏霏澹青嶂遠映村更失孤高  
鶴來傍勝氣欣有逢遊且難訪故人吏京劇每

事多閑放室蕭然  
眉峯心搖洞庭浪  
惜哉清興裏  
不見予所尚

東郊寄萬楚

獲落久無用  
隱身甘采薇  
仍聞薄宦者  
還事田家  
衣  
潁水日夜流  
故人相見稀  
春山不可望  
黃鳥東  
南飛  
濯足豈長往  
一樽聊可依  
了然潭上月  
適我  
智中機  
在昔同門友  
如今出處非  
優游白虎殿  
出  
入青瑣闥  
日一作  
有薦君表  
當看攜手歸  
寄書不  
待面  
蘭茝空芳菲

寄萬齊融

名高不擇仕委世隨虛舟小邑常歎屈故鄉行可  
遊青楓半村戶香稻盈田疇爲政日清淨何人同  
海鷗搖巾北林夕把菊東山秋對酒池雲一作滿風  
向家湖水流岸陰止鳴鵠山色映潛虬靡靡俗中  
理蕭蕭川上幽昔年至吳一作東郡憶卧臨江樓我  
有一書札因之芳杜洲

寄鏡湖朱處士

澄霽晚流闊微風吹綠蘋鱗鱗遠峯見淡淡平湖  
春芳草日堪把白雲心所親何時可爲樂夢裏東  
山人

寄焦鍊師

得道凡百歲燒丹惟一身悠悠孤峯頂日見三花  
春白鶴翠微裏黃精幽澗濱始知世上客不及山  
中人僊境若在夢朝雲如可親何由覩顏色揮手  
謝風塵

送司農崔丞

黃鸝鳴官寺香草色未已同時皆省郎而我獨留  
此惟監太倉粟常對府小史清陰羅廣庭政事如  
流水奉使往長安今承朝野歡宰臣應記識明主  
必遷官塞外貔將虎池中鴛與鸞詞人洞簫賦公

子鵝鷄冠邑里春方晚  
昆明花欲闌行行取高位  
當使路傍看

送崔侍御赴京

綠槐蔭長路駿馬垂青絲  
柱史謁承明翩翩將有期  
千官大朝日奏事臨赤墀  
肅肅儀仗裏風生鷹隼姿  
一從登甲科三拜皆憲司  
按俗又如此爲郎何太遲  
送君暮春月花落城南陲  
惜別醉芳草前山勞夢思

二妃廟送裴侍御使桂陽

沅上秋草晚蒼蒼  
堯女祠無人見  
精魄萬古寒猿

唐詩集  
悲桂水身歿後椒漿神降時回雲迎赤豹驟雨颯  
文狸受命出炎海焚香徵楚詞乘驄感遺跡一弔  
清川湄

送馬錄事赴永陽

子爲郡從事主印清淮邊談笑一州裏從容羣吏  
先手持三尺令遣決如流泉太守旣相許諸公誰  
不然孤城連海樹萬室帶山烟春日谿湖淨芳洲  
葭莢連炊杭蟹螯熟下筍鱸魚鮮野鶴宿簷際楚  
雲飛面前聽歌送離曲且駐木蘭船贈爾八行字  
當聞佳政傳



崔五宅送劉跂入京

行人惜寸景繫馬暫留歡昨日辭小沛何時到長  
安鄉中飲酒禮客裏行路難清洛雲鴻度故關風  
日寒惟將道可樂不念身無官生事東山遠田園  
芳歲闌東歸余謝病西去子加餐宗伯非徒爾明  
時正可干躬耕守貧賤失計在林端宿昔奉顏色  
慙無雙玉盤

送綦母三謁房給事

夫子大名下家無鍾石儲惜哉湖海上曾校蓬萊  
書外物非本意此生空澹如所思但乘興遠適唯

單車高道時坎珂故交願吹噓徒言青瑣闥不愛  
承明廬百里人戶滿片言爭訟疎手持蓮花經日  
送飛鳥餘晚景南路別炎雲中伏初此行儻不遂  
歸食蘆洲魚

送顧朝陽還吳

寂寞俱不偶裹糧空入秦宦途已可識歸卧包山  
春舊國指飛鳥滄波愁旅人開樽洛水上怨別柳  
花新

送王昌齡

漕水東去遠送君多暮情淹留野寺出向背孤山

明前望數千里中無蒲稗生夕陽滿舟楫但愛微  
波清舉酒杯月上解衣沙鳥鳴夜來蓮花界夢裏  
金陵城歎息此離別悠悠江海行

### 送劉四

愛君少岐嶷高視白雲鄉九歲能屬文謁帝遊明  
光奉詔赤墀下拜爲童子郎爾來屢遷易三度尉  
洛陽洛陽十二門官寺鬱相望青槐羅四面綠水  
貫中央聽訟破秋毫應物利千將醉滿如脫屣立  
言無否臧歲暮風雪暗秦中川路長行人飲臘酒  
立馬帶晨霜生事豈須問故園寒草荒從今署右

職莫笑在農桑

送裴騰

養德爲衆許森然此丈夫放情白雲外爽氣連虬  
鬚衡鏡合知子公心誰謂無還令不得意單馬遂  
長驅桑野蠶忙時憐君久踟躕新晴荷卷葉孟夏  
雉將雛令弟爲縣尹高城汾水隅相將簿領閒倚  
望恒峯孤香露溥百草紫梨分萬株歸來授衣假  
莫使故園燕

送從叔遊襄陽

言別恨非一棄置我宗英向日五經笥今爲千里

行裏糧顧庭草羸馬詰朝鳴斗酒對寒食雜花空  
晚晴春衣采洲路夜飲南陽城客夢峴山曉漁歌  
江水清楚俗少相知遠遊難稱情同人應館穀刺  
史出郊迎只合待丹旆翻令辭上京時方春欲暮  
歎息向流鶯

送暨道士還玉清觀

仙宮

一作官

有名籍度世吳江濱大道本無我青春

長與君中州俄已到至理得而聞明主降黃屋時  
人看白雲空山何窈窕三秀日氛氲遂此留書客  
超遙烟駕分

月音續錄  
臨別送張諶入蜀

出門便爲客惘然悲徒御四海惟一身茫茫欲何  
去經山復歷水百恨將千慮劒閣望梁州是君斷  
腸處孤雲傷客心落日感君深夢裏蒹葭渚天邊  
橘柚林蜀江流不測蜀路險難尋本有相思號猿  
多愁苦吟莫向禺山隱禺山地非近故鄉可歸來  
眼見芳菲盡

留別王盧二拾遺

此別不可道此心當報誰春風灞水上飲馬桃花  
時誤作好文士只令遊宦遲留書下朝客我有故

山期

贈別高三十五

五十無產業心輕百萬資屠酤亦與羣不問君是  
誰飲酒復垂釣狂歌兼詠詩焉知漢高士莫識越  
鴟夷寄跡棲霞山蓬頭睢水湄忽然辟命下衆謂  
趨丹墀沐浴着賜衣西來馬行遲能令相府重且  
有函關期僂僂從寸祿舊遊梁宋時幡幡邑中叟  
相俛髻如絲官舍柳林靜河梁杏葉滋摘芳雲景  
晏把手秋蠟悲小縣情未愜折腰君莫辭吾觀主

聖一作人意不久召京師

贈別穆元林

貳職久辭滿藏名三十年丹墀策頻獻白首官不  
遷明主日徵士吏曹何忽賢空懷濟世業欲棹滄  
浪船舉酒洛門外送君春海邊彼鄉有令弟小邑  
試烹鮮轉浦雲壑媚涉江花鳥連綠芳暗楚水白  
鳥飛吳煙贈贐亦奚貴流亂期早旋金閨會通籍  
生事豈徒然

李兵曹壁畫山水各賦得桂水帆

片帆浮桂水落日天涯時飛鴈看共度閑雲相與  
遲長波無曉夜泛泛欲何之



丙籤二十八李頎之二

唐音統籤卷

一百三十二

七言古詩

古從軍行

白日登山望烽火黃昏飲馬傍交河行人刀斗風  
沙暗公主琵琶幽怨多野營萬里無城郭雨雪紛  
紛連大漠胡鴈哀鳴夜夜飛胡兒眼淚雙雙落聞  
道玉門猶被遮應將性命逐輕車年年戰骨埋荒  
外空見蒲萄入漢家

古行路難

漢家名臣楊德祖四代五公卓茅土父子兄弟

唐詩集  
卷之八  
銀黃躍馬鳴珂朝建章火浣單衣繡方領茱萸囊  
帶玉盤囊賓客填街復滿座片言出口生輝光惟  
人逐勢爭奔走瀝膽隳肝惟恐後當時一顧登青  
雲自謂生死長隨君一朝謝病還鄉里窮巷蒼苔  
絕知己秋風落葉閉重門昨日論交竟誰是薄俗  
嗟嗟難重陳深山麋鹿可爲鄰魯連所以蹈東海  
古往今來稱達人

緩歌行

小來託身攀貴遊傾財破產無所憂暮擬經過石  
渠暑朝將出入銅龍樓結交杜陵輕薄子謂言可

生復可死一沈一浮會有時棄我翻然如脫屣男  
兒立身須自強十年閉戶頽水陽業就功成見明  
主擊鐘鼎食坐華堂二八蛾眉梳墮馬美酒清歌  
曲房下文昌宮中賜錦衣長安陌上退朝歸五陵  
賓從莫敢視三省官僚揖者稀早知今日讀書是  
悔作從前任俠非

一作狂俠兒

### 王母歌

武皇齋戒承華殿端拱須臾王母見霓旌照耀  
麒麟車羽蓋淋漓孔雀扇手指交梨遣帝食可以長  
生臨寓縣上元顛戴

一作頭上復戴

九星冠總領玉童坐

南面欲聞要言今告汝帝乃焚香謝此語若能鍊  
魄去三尸後當見我天皇所顧謂侍女董雙成酒  
闌可奏雲和笙紅霞白日儼不動七龍五鳳紛相  
迎惜哉志驕神不悅歎息馬蹄與車轍複道歌鐘  
杳將暮深宮桃李花一作飛成雪爲一作但看青玉五  
枝燈蟠螭吐火光欲絕一作已絕

鮫人歌

鮫人潛織水底居側身上下隨游魚輕綃文綵不  
可識夜夜澄波連一作流月色有時寄宿來城市海  
島青冥無極已泣珠報恩君莫辭今年相見明年

期始知萬族無不有百尺深泉架戶牖鳥沒空山  
誰復望一望雲濤堪白首

琴歌

本集無見  
郭氏樂府

主人有酒歡今夕請奏鳴琴廣陵客月照城頭烏  
半飛霜淒萬樹風入衣銅爐華燭燭增輝初彈淥  
水後楚妃一聲已動物皆靜四座無言星欲稀清  
淮奉使千餘里敢告雲山從此始

放歌行答從弟墨卿

小來好文耻學武世上功名不解取雖霑寸祿已  
後時徒欲出身事明主柏梁賦詩不及宴長楸走

馬誰相數斂迹僂眉心自甘高歌擊節聲半苦猶  
是蹉跎一老夫養雞牧豕城東隅空歌漢代蕭相  
國肯事霍家馮子都徒爾當年聲籍籍濫作詞林  
兩京客故人斗酒安陵橋黃鳥春風洛陽陌吾家  
令弟才不羈五言破的人共推興來逸氣如濤湧  
千里長江歸海時別離短景何蕭索佳句相思能  
間作舉頭遙望魯陽山水葉紛紛向人落

夏宴張兵曹東堂

重林華屋堪避暑况乃烹鮮會佳客主人三十朝  
大夫滿座森然見矛戟北牕卧簟連心花竹裏蟬

鳴西日斜羽扇搖風却珠汗玉盆貯水割甘瓜雲  
峯峨峨自冰雪坐對芳樽不知熱醉來但挂葛巾  
眠莫道明朝有離別

同張員外諷詠答之作

紀事云諷官至刑部員外郎善草隸工丹青

青與王維李頎等爲詩酒丹青之友尤善畫山水王維答詩曰屏風誤點或孫郎團扇草書輕內史畫

李廣詩亦云然

洛中高士日沈冥手自灌園方帶經王湛牀頭見  
周易長康傳裏好丹青鵲冠葛履無名位博奕賦  
詩聊遣意清言只倒衛家兒用筆能誇繡太尉東  
籬二月種蘭蓀窮巷人稀鳥雀喧聞道郎官問生

事肯令鬢髮老柴門

欲之新鄉答崔顥蔡母潛

數年作吏家屢空誰道黑頭成老翁男兒在世無  
產業行子出門如轉蓬吾屬交歡此何夕南家攜  
衣動歸客銅爐將炙相歡飲星宿縱橫露華白寒  
風卷葉度滹沱飛雪布地悲峨峨孤城日落見棲  
鳥馬上時聞漁者歌明朝東路把君手臘日辭君  
期歲首自知寂寞無去思敢望縣人致牛酒

送康洽入京進樂府歌

識子十年何不遇只愛歡遊兩京路朝吟左氏嬌



女篇夜誦相如美人賦長安春物舊相室小苑蒲  
萼花滿枝柳色偏濃九華殿鴛聲醉殺五陵兒曳  
裾此日從何所中貴由來盡相許白袂春衫仙吏  
贈烏皮隱几臺郎與新詩樂府唱堪愁御妓應傳  
鵲樓西上雖因長公主終須一見曲陽侯

送劉四赴夏縣

九霄特立紅鸞姿萬仞孤生玉樹枝劉侯致身  
若此天骨自然多歎美聲名播揚二十年足下長  
途幾千里舉世皆親丞相閣我心獨愛伊川水脫  
略勢利猶埃塵嘯傲時人而已矣新詩數歲卽文

雄上書昔召蓬萊宮明主拜官麒麟閣光車駿馬  
看玉童高人廬山遠隱士往來張長公扶南  
甘蔗甜如蜜雜以荔枝龍州橘赤縣繁詞滿劇曹  
白雲孤峯暉永日朝持手板望飛鳥暮誦楞伽對  
空室一朝出宰汾河間明府下車人吏閑端坐訟  
庭更無事閑門咫尺巫咸山男耕女織蒙惠化麥  
熟雉鳴長秋稼明年九府議功時五辟三徵當在  
茲聞道桐鄉有遺老邑中還欲置生祠

送陳章甫

四月南風大麥黃  
梨花未落桐陰長  
青山朝別暮

還見嘶馬出門思舊鄉陳侯立身何坦蕩虬鬚虎  
眉仍大顙腹中貯書一萬卷不肯低頭在草莽東  
門酤酒飲我曹心輕萬事如鴻毛醉卧不知白日  
暮有時空望孤雲高長河浪頭連天黑津吏停舟  
渡不得鄭國遊人未及家洛陽行子空歎息聞道  
故林相識多罷官昨日今如何

送劉十

三十不官亦不娶時人焉識道高下房中唯有老  
氏經櫪上空餘少游馬往來嵩華與函秦放歌一  
曲前山春西林獨鶴引閑步南澗飛泉清角巾前

年上書不得意歸卧東牕兀然醉諸兄相繼掌青  
史第五之名齊驃騎烹葵謫果告我行落日夏雲  
縱復橫聞道謝安掩口笑知君不免爲蒼生

送從弟遊江淮兼謁鄱陽劉太守

都門柳色朝朝新念爾今爲江上人穆陵關帶清  
風遠彭蠡湖連芳草春泊舟借問西林寺曉聽猿  
聲在山翠潯陽北望鴻鴈回湓水東流客心醉須  
知聖代舉賢良不使遺才滯一方應見鄱陽虎符  
守思歸共指白雲鄉

送王道士還山

嵩陽道士餐柏實居處三花對石室心窮伏火陽  
精丹口誦淮王萬畢術自言神訣不可求我師聞  
之玄圃遊出入彤庭佩金印承恩赫赫如王侯雙  
峯樹下曾受業應傳肘後長生法吾聞仙地多後  
身安知不是具茨人玉膏清泠瀑泉水白雲谿中  
日方此從今不見數十年鬢髮容顏只如是先生  
捨我欲何歸竹杖黃裳登翠微當有巖前白蝙蝠  
迎君日暮雙來飛

少室雪晴送王寧

少室衆峯幾峯別一峯晴見一峯雪隔城半山連

青松素色峨峨千萬重過景斜臨不可道白雲欲  
盡難爲容行人與我翫幽境北風切切吹衣冷惜  
別浮橋駐馬時舉頭試望南山嶺

雙笋歌送李回兼呈劉四

竝抽新笋色漸綠迴出空林雙碧玉春風解擇雨  
潤根一枝半葉清露痕爲君當面拂雲日孤生四  
遠何足論再三抱此悵爲別嵩洛故人與之說

答高三十五留別便呈于十一

累薦賢良皆不就家近陳留訪耆舊韓康雖復在  
人間王霸終思隱巖竇清冷池水灌園蔬坐釣滄

江心澹如妻子歡同五株柳雲山元對一牀書昨  
日公車見三事明君賜衣遣爲吏懷章不使郡邸  
驚待詔初從闕庭至散誕由來自不羈低頭授職  
爾何爲故園壁挂烏紗帽官舍塵生白接羅寄書  
寂寂於陵子蓬蒿沒身胡不仕藜羹被褐環堵中  
歲晚將貽故人耻

別梁鎰

梁生倜儻心不羈途窮氣蓋長安兒回頭轉盼似  
鵬鶚有志飛鳴人豈知雖云四十無祿位曾與太  
軍掌書記抗辭請刃誅部曲作色論兵犯二帥一

言不合龍領侯擊劒拂衣從此棄朝朝飲酒黃公  
壚脫帽露頂爭叫呼庭中犢鼻昔嘗挂懷裏琅玕  
今在無時人見子多落魄共笑狂歌非遠圖忽然  
遣躍紫騮馬還是昂藏一丈夫洛陽城頭曉霜白  
層冰峨峨滿山澤但聞行路吟新詩不歎舉家無  
擔石莫言貧賤長可欺覆簣成山當有時莫言富  
貴長可託木槿朝看暮還落不見古時塞上翁倚  
伏由來任天作去去滄波勿復陳五湖三江愁殺  
人

總安萬善吹鳳簫歌

本集無見  
郭氏樂府



南山截竹爲觴簞此樂本自龜茲出流傳漢地曲  
轉奇涼州胡人爲我吹傷鄰聞者多歎息遠客思  
鄉皆淚垂世人解聽不解賞長颺風中自來往枯  
桑老柏寒颺颺九雛鳴鳳亂啾啾龍吟虎嘯一時  
發萬籟百泉相與秋忽然更作漁陽摻黃雲蕭條  
白日暗變調如聞楊柳春上林繁華照眼新歲夜  
高堂列明燭美酒一杯聲一曲

崔五六圖屏風各賦一物得烏孫佩刀

烏孫腰間佩兩刀刀可吹毛錦爲帶握中枕宿穹  
廬室馬上割飛翳翳塞執之颺颺誰能前氣凜清

風沙漠邊磨用陰山一片玉洗將胡地獨流泉主  
人屏風寫奇狀鐵鞞金銀儼相向回頭瞪目時一  
看使予心在江湖上

魏倉曹東堂桺樹

愛君雙桺一樹奇千葉齊生萬葉垂長頭拂石帶  
煙雨獨立空山人莫知攢青蓄翠陰滿屋紫穗紅  
英曾斷目洛陽墨客遊雲間若到麻源第三谷

照公院雙橙

種橙夾階生得地細葉隔簾見雙翠抽條向長未  
及肩泉水遶根日三四青青何必楚人家帶雨凝

煙新着花永願香爐灑甘露夕陽時映東枝斜南  
庭黃竹爾不敵借問何時堪挂錫

愛敬寺古藤歌

古藤池水盤樹根左攬右拏龍虎蹲橫空直上相  
陵突丰茸離纚若無骨風雷霹靂連黑枝人言其  
下藏妖魘空庭落葉乍開合十月苦寒常倒垂憶  
昨花飛滿空殿密葉吹香飯僧遍南階雙桐一百  
尺相與年年老霜霰

長短句

采蓮

越谿女越谿蓮齊齒舊雙嬋娟嬉遊向何處承摘  
且同船浩唱發容與清波生漪漣時逢島嶼泊幾  
伴鴛鴦眠襟袖旣盈溢馨香亦相傳薄暮歸去來  
苧羅生碧煙

絕纓歌

本集無見  
郭氏樂府

楚王宴客章華臺章華美人善歌舞玉顏豔豔空  
相向滿堂目成不得語紅燭滅芳酒闌羅衣半醉  
春夜寒絕纓解帶一爲歡君王捨過不知罪暗中  
珠翠鳴珊珊寧愛賢不愛色青娥買死誰能識果  
却一軍全社稷

鄭櫻桃歌

本集無見  
郭氏樂府

石季龍僭天祿擅雄豪美人姓鄭名櫻桃櫻桃美  
顏香且澤娥娥侍寢專官掖後庭卷衣三萬人翠  
睂清鏡不得親宮軍女騎一千匹繁華照耀漳河  
春織成花映紅綸巾紅旗掣曳鹵簿新鳴輦走馬  
接飛鳥銅馱瑟瑟隨去塵鳳陽重門如意館百尺  
金梯倚銀漢自言富貴不可量女爲公主男爲王  
赤花雙簾珊瑚牀盤龍斗帳琥珀光淫昏僞位神  
所惡滅石者陵終不悟鄴城蒼蒼白露微世事

作

浮世翻覆黃雲飛

彈碁歌

崔侯善彈碁巧妙盡於此藍田美石清如砥白黑  
相分十二子聯翩百中皆造微魏文手巾不足比  
緣邊度隴未可嘉鳥跂星懸正復斜迴飈轉指速  
飛電拂四取五旋風花坐中齊聲稱絕藝仙人六  
博何能繼一別常山道路遙爲余更作三五勢

古意

男兒事長征少小幽燕客賭勝馬蹄下由來輕七  
尺殺人莫敢前鬚如蝟毛磔黃雲隴底白雪飛未  
得報恩不能一作得歸遼東小婦年十五慣彈琵琶

解歌舞今爲羌笛出塞聲使我三軍淚如雨

雜興

沈沈牛渚磯舊說多靈怪行人夜乘生犀燭洞照  
洪深闊澎湃乘車駕馬往復旋赤紱朱冠何偉然  
波驚海若潛幽石龍抱胡髯卧黑泉水濱丈人曾  
有語物或惡之當害汝武昌妖夢果爲災百代英  
威埋鬼府青青蘭艾本殊香察見泉魚固不祥濟  
水自清河自濁周公大聖接輿狂  
白樂天盛稱此二句以爲深於  
詩  
千年魑魅逢華表九日茱萸作佩囊善惡死生  
齊一貫祇應斗酒任蒼蒼

聽董大彈胡笳兼寄語弄房給事

品彙云唐史董庭蘭

善鼓琴爲房琯門客天寶五載琯攝給事中此詩殆贈庭蘭兼寄次律之作也

蔡女昔造胡笳聲一彈一十有八拍胡人落淚向  
邊草漢使斷腸對歸客古戍蒼蒼烽火寒大荒陰  
沈飛雪白先拂商絃後角羽四郊秋葉驚撼撼董  
夫子通神明深山竊聽來妖精言遲更速皆應手  
將往復旋如有情空山百鳥散還合萬里浮雲陰  
且晴嘶酸雛鴈失羣夜斷絕胡兒戀母聲川爲淨  
其波鳥亦罷其鳴鳥珠部落家鄉遠邏娑沙塵哀  
怨生幽一作出音變調忽飄灑長風吹林雨墮瓦迸



泉颯颯飛木末野鹿呦呦走堂下  
長安城連東掖垣鳳凰池對青瑣門  
高才脫畧名與利日夕望君抱琴至

送郝判官

楚城木葉落夏口青山遍

一作轉

鴻鴈向南時君乘

使者傳楓林帶水驛夜火明山縣  
千里送行人蔡洲如眼見江連清漢  
東逶迤遙望荆雲相蔽虧應問襄陽  
舊風俗爲余騎馬習家池

送劉昱

八月寒葦花秋江浪頭白北風吹五  
兩誰是潯陽

客鷓鴣山頭微雨晴楊州郭裏暮潮生行人夜宿  
金陵渚試聽沙邊有鴈聲

送劉方平

綺紈遊上國多作少年行二十二詞賦惟君著美  
名童顏且白哲佩德如瑤瓊荀氏風流盛胡家公  
子清有才不偶誰之過肯卽藏鋒事高卧洛陽草  
色猶自春遊子東歸喜拜親漳水橋頭值鳴鴈朝  
歌縣北少行人別離斗酒心相許落日青郊半微  
雨請君騎馬望西陵爲我殷勤吊魏武

丙籤二十八李頎之三

唐音統籤卷

一百三十三

五言律詩

塞下曲

少年學騎射勇冠井州兒  
直愛出身早邊功沙漠  
垂戎鞭腰下插羌笛雪中吹  
膂力今應盡將軍猶未知

晚歸東園

荆扉帶郊郭稼穡滿東菑  
倚杖寒山暮鳴梭秋葉  
時回雲覆陰谷返景照霜梨  
澹泊真吾事清風別自茲

望秦川

秦川朝望迥日出正東峯遠近山河淨  
逶迤城闕重秋聲萬戶竹寒色五陵松  
客有歸歎歎淒其霜露濃

宴陳十六樓

樓枕金谷

西樓對金谷此地古人心白日落庭內  
黃花生澗陰四鄰見疎木萬井度寒砧  
石上題詩處千年留至今

送相里造入京

子月過秦正寒雲覆洛城嗟君未得志  
猶作苦辛

行煖酒嫌衣薄  
曉風候雨晴  
春官含笑待驅馬速  
前程

送錢子入京

夜夢還京北鄉心恨擣衣朝逢入秦使走馬喚君  
歸驛路清霜下關門黃葉稀還家應信宿看子速  
如飛

送人尉閩中

可歎芳菲日分爲萬里情  
閩門折垂柳御苑聽殘  
鶯海戍通閩邑江航過楚城  
客心君莫問春草是  
王程

送寶參軍

城南送歸客舉酒對林巒  
暄鳥迎風轉春衣度雨  
寒桃花開翠幕柳色拂金鞍  
公子何時至無令芳  
草闌

送盧逸人

洛陽爲此別攜手更何時不復人間見  
祇應海上期清谿入雲木白首卧茅茨  
其惜盧敖去天邊望  
所思

送人歸河南

梅花今正發失路復何如  
舊國雲山在新年風景

餘春饒漢陽夢日寄武陵書可卽明時老臨川莫  
羨魚

送慕母三寺中賦得紗燈

禪室吐香爐輕紗籠翠煙長繩挂青竹百尺垂紅  
蓮熠燿衆星下玲瓏雙塔前舍光待明發此別豈  
徒然

達奚吏部夫人寇氏挽歌

存歿令名傳青青松柏田事姑稱孝婦生子繼先  
賢露濕銘旌重風吹鹵簿前陰堂從此閉誰誦女

師篇

覺公院施烏石臺

石臺置香飯齋後施諸禽童子亦知善衆生無懼  
心苦痕蒼曉露盤勢出香林錫杖或圍繞吾師一  
念深

籬筍

東園長新筍映日復穿籬迸出依青嶂攢生伴綠  
池色一作客因林向背行逐地高卑但恐春將老青  
青獨爾爲

五言排律

古塞下曲



行人朝走馬直指薊城傍薊城通漠北萬里別吾鄉  
海上千烽火沙中百戰場軍書發上郡春色度河陽  
裊裊漢官柳青青胡地桑琵琶山色曲橫笛斷君腸

宿香山寺石樓

夜宿翠微半高樓聞暗泉漁舟帶遠火山磬發孤  
煙衣拂一作壯雲松外門清河漢邊峯巒低枕席世  
界接人天靄靄花出霧輝輝星映川東林曙鶯滿

惆悵欲言旋

龍門送裴侍御監五嶺選

萬里番禺地官人繼帝憂君爲柱下史將命出東  
周歇馬傍川路張燈臨石樓稜稜靜疎木淅淅響  
寒流椰葉四荒外梅花五嶺頭明珠尉佗國翠羽  
夜郎洲夷俗富珍產土風資宦遊心清物不雜弊  
革事無留舉善必稱最持姦當去尤何辭桂江遠  
今日用賢秋

送東陽王太守

江臯杜蘅綠芳草日遲遲檜楫今何去星郎出守  
時彤襜問風俗明主寄憚嫠令下不徒爾人和當  
在茲昔年經此地微月有佳期洞口桂花白巖前

春草滋素沙  
靜津瀨青壁  
帶川坻野鶴每孤立  
林廳常晝悲

詞

### 送盧少府赴延陵

問君從宦所何日  
府中趨遙指金陵縣  
青山天一隅  
行人懷寸祿  
小吏獻新圖  
北固波濤險  
南天風俗殊  
春江連橘相  
晚景媚菰蒲  
漠漠花生渚  
亭亭雲過湖  
灘沙映春火  
水霧斂檣烏  
回首東門路  
鄉書不可無

### 送劉主簿歸金壇

與子十年舊  
其如離別何  
宦遊鄰故國  
歸夢是滄

波京口青山遠金陵芳草多雲帆曉容裔江日晝  
清和縣郭舟人飲津亭漁者歌茅山有僊洞美爾  
再經過

聖善閣送裴迪入京

雪

一作  
雲

華滿高閣苔色上鉤欄藥草空堦靜梧桐

返照寒清吟可愈疾攜手暫同歡墜葉和金磬饒

鳥鳴露盤伊流川

一作  
惜

東別灞水向西看舊託舍

香署雲霄何足難

送喬琳

草綠小平津花開伊水濱今君不得意孤負帝鄉

春口不言金帛心常任屈伸  
阮公惟飲酒陶令肯羞貧  
陽羨風流地滄江遊寓人  
菱歌五湖遠桂樹八公鄰  
青鳥迎一作迴孤棹白雲隨  
一身潮隨秣陵上月映石頭  
新未可遜名利應須在縉紳  
汀洲芳杜色勸爾暫垂綸

送皇甫曾遊襄陽山水兼謁韋太守

峴山枕襄陽滔滔江漢長  
山深卧龍宅水淨斬蛟鄉  
元凱春秋傳昭明文選堂  
風流滿今古煙島思微茫  
白鴈暮衝雪青林寒帶霜  
蘆花獨戍晚相實萬家香  
舊國欲茲別輕舟眇未央  
百花亭漫漫一

月三  
柱觀蒼蒼按俗荆南牧持衡吏部郎逢君立五馬  
應醉習家塘

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前  
程聞道淮陽守東南卧理清郡齋觀政日人馬望  
鄉情疊嶺雪初霽寒砧霜後鳴臨川嗟拜手寂寞  
事躬耕

贈別張兵曹

漢家蕭相國功蓋五諸侯勲業河山重丹青錫命  
優君爲禁嚮壻爭看玉人遊荀令焚香日潘郎振

藻秋新成鸚鵡賦能衣鷓鴣裘不憚軒車遠仍尋  
薜荔幽苑梨飛絳葉伊水淨寒流雪滿故關道雲  
遮祥鳳樓一身輕寸祿萬物任虛舟別後如相問  
滄波雙白鷗

題少府監李丞山池

能向府亭內置茲山與林他人嘯嘯馬而我薜蘿  
心雨止禁門蕭鶯啼官柳深長廊闕軍器積水背  
城陰牕外王孫草牀頭中散琴清風多仰慕吾亦  
爾知音

長壽寺粲公院新斃井

僧房來往久露井每同觀白石抱新甃蒼苔依舊  
欄空瓶宛轉下長綆轆轤盤境界因心淨泉源見  
底寒鐘鳴時灌頂對此日閑安

魏倉曹宅各賦一物得當軒石竹

羅生殊衆色獨爲表華滋雖雜蕙蘭處無爭桃李  
時同人趨府暇落日後庭期密葉散紅點靈條驚  
紫蕤芳菲看不厭采摘願來茲

五言小律

題合歡

開花復卷葉豔眼又驚心蝶遶西枝露風披東幹



陰黃影漂細藥時拂女郎砧

題僧房雙桐

赤桐雙拂日傍帶凌霄花綠葉傳僧磬清陰潤井  
華誰能事音律焦尾蔡邕家

粲公院各賦一物得初荷

微風和衆草大葉長圓陰晴露珠垂合夕陽花映  
深從來不着水清淨本因心

七言律詩

寄司勳盧員外

流漸臘月下河陽草色新年發建章秦地立春傳

月  
三  
和  
筆  
太史漢宮題柱憶仙郎歸鴻欲度千門雪侍女新  
添五夜香早晚薦雄文似者故人今已賦長楊

寄綦母三

新加大邑綬仍黃近與單車去洛陽顧盼一過丞  
相府風流三接令公香南川稷稻花侵縣西嶺雲  
霞色滿堂共道進賢蒙上賞看君幾歲作臺郎

送李回

知君官屬大司農詔幸驪山職事雄歲發金錢供  
御府晝看仙液注離宮千巖曙雪旌門上十月寒  
花輦路中不覩聲名與文物自傷流滯去關東

送魏萬之京

朝聞遊子唱離歌  
昨夜微霜初渡河  
鴻鴈不堪愁裏聽  
雲山况是客中過  
關城樹一作曙色催寒近  
御苑砧聲向晚多  
莫見長安行樂處  
空令歲月易蹉跎

題璿公山池

王弼州云此詩開山幽居不惟聲調不叶抑意義無取吾弟懋

定以爲開士蓋言昔日遠公遁跡之岑今爲開士璿公幽居之地耳開士見佛書按郝天挺唐詩鼓吹註開山疑作開士其說蓋受之元遺山古人先得之矣

遠公遯跡廬山岑  
開山幽居祇樹林  
片石孤峯窺色相  
清池皓一作白月照禪心  
指揮如意天花落  
坐

卧閑房春草深此外俗塵俱不染惟餘玄度得相  
尋胡夏客曰山字當是出字之誤李渤詩亦有開  
出句可證元王諸家辨論恐未足訂此字也

宿瑩公禪房聞梵

花宮仙梵遠微微月隱高城鐘漏稀夜動霜林驚  
落葉曉聞天籟發清機蕭條已入寒空靜颺杳仍  
隨秋雨飛始覺浮生無住着頓令心地欲皈依

題盧五舊居

物在人亡無見期閑庭繫馬不勝悲牕前綠竹生  
空地門外青山如舊時悵望秋天鳴墜葉嘖吭枯  
柳宿寒鴟憶君淚落東流水歲歲花開知爲誰

五言絕句

奉送五叔入京兼寄綦母三

雲陰帶殘日  
悵別此何時  
欲望黃山道  
無由見所思

七言絕句

百花

一作原  
白花一作王昌齡出塞行

百花原頭望京師  
黃河水流無已時

一作  
盡期窮秋作

秋天曠野行人絕  
馬首東來知是誰

遇劉五

洛陽一別梨花新  
黃鳥飛飛逢故人  
攜手當年共

爲樂無驚蕙草惜殘春

寄韓鵬

爲政心閑物自閑  
朝看飛鳥暮飛還  
寄書河上神  
明宰美爾城頭姑射山

送崔嬰赴漢陽

中外相連弟與兄  
新加小縣子男名  
纔年三十佩  
銅印知爾絃歌漢水清

又送五叔兼寄慕母三

吏部明年拜官後  
西城必與故人期  
寄書春草年  
年色莫道相逢玉女祠

野老曝背

百歲老翁不種田  
惟知曝背樂殘年  
有時捫虱獨搔首  
目送歸鴻籬下眠

句

山山破體閑支策  
落日梨花點空壁  
詩堪記室妬風流  
畫與將軍作勍敵

贈張誼  
記事

紫極殿前朝伏

奏龍華會裏日相望  
別離歲歲如流水  
誰辨他鄉

與故鄉

失題兼失  
上四句